

Соборъ святыхъ Дивеевскихъ (27 июня н.ст.)

На Господи, возвахъ: стихирѣ на 8, глас 1.

О дѣвное чѣдо! Всенепорочная Мати Свѣта, избравши в жребий Свой обитель Дивеевскую, благая обетованія о ней изрече, благословеніе Божіе и милость Свою являючи, да любовь Ей благодарственно воспеваемъ: Благодатная, радуйся, с Тобою Господь, подай мірови Тобою велию милость.

Дивны Твоя тайны, Богородице, по слову неложнаго обетованія обитель Твою прісно посещаети, божественными сияніи Ангельскихъ воинствъ обступаема и чины всехъ святыхъ землі Дивеевския прославляема, с нимиже Тебѣ любовь воспеваемъ: Благодатная, радуйся, с Тобою Господь, подай мірови Тобою велию милость.

О дѣвное чѣдо! Благословенная обитель Дивеевская четвертый удѣл Божія Матере нарицается, в нейже сонм святыхъ бываетъ и землі Русской славу велию являетъ. Мы же, к нимъ припадающе, тепле вопіемъ: о угодницы всехвальнии, Господевѣ молитесь, даровати душамъ нашимъ мир и велию милость.

Глас 2.

Кіими похвальными добротами, ублажимъ преподобнаго Серафима? Повелѣній Царіцы Небесныя вѣрнаго исполнителя, Дивеевския обители устроителя и попечителя и сестр ея — отца чадолюбиваго и духовнаго окормителя, всемъ помощника скораго и в скорбехъ утешителя, и молитвенника теплаго о душахъ нашихъ.

Кіими вдохновенными пѣсньми, воспоемъ преподобныя жены Дивеевския? Александру, Божія Матере избранницу и обители нашея первоначальницу; Марфу, отроковицу ангелоподобную, преподобнаго Серафима сотайницу; Елену, кротость и смиреніе возлюбльшую и в самой смѣрти истинное послушаніе явльшую. Ихже імамы молитвенницы теплыя о душахъ нашихъ.

Кіими похвальными словесы, возвеличимъ Пелагію, Параскѣву и Марію блаженныя? Ко Господу вкупе духомъ горящія, странницы земныя, Отчества горняго взыскующія, причастницы званія небеснаго, міру юродивыя, обаче во Христѣ мудрыя. Ихже імамы молитвенницы теплыя о душахъ нашихъ.

Кйими достóйными венцы/ увенча́ем священномученики
добропобédныя?/ Серафíма, летописца обíтели Дивеевския/ и гра́да
свята́го Петра архипáстыря многострада́льнаго,/ Иа́кова и Миха́ила, иере́и
благоговейныя/ и сестр Дивеевских попечители́ духо́вныя,/
новозакла́нныя а́гнцы, за Христа́ пострада́вшия.// Ихже́ ймамы
моли́твенники тёплыя о душа́х на́ших.

Кйя неизречённые да́ры/ принесём по достоя́нию/ новомученицам и
исповедницам Дивеевским?/ Ма́рфе и Пела́гии, иноки́ням честны́м и
а́гницам Христо́вым,/ Матро́не преподо́бней, исповеднице́ тверде́йшей,/
мученицам Евдо́кии, Да́рии, Да́рии и Мари́и,/ пе́рвым христиа́ном во
страда́нии подо́бницам,/ ве́рным учени́цам Госпо́дним.// Ихже́ ймамы
моли́твенницы тёплыя о душа́х на́ших.

Сла́ва, глас 4:

Днесь на́ста со́лнца светле́йший пра́здник/ собо́ра святы́х
Дивеевских,/ иже ве́рныя к весели́ю созыва́ет/ и луча́ми ра́дости всех
просвещает,/ дивны́ми сия́я чудесы́:/ в них бо я́вился сла́ва Христо́ва,/ сла́ва
Церкве Ру́сския./ Те́мже ве́рнии вопие́м любóвию:/ моли́тесь за ны ко
Го́споду,/ вси святы́и земли́ на́шей,// поми́ловатися душа́м на́шим.

И ны́не, Богоро́дичен, глас то́йже: И́же Тебе́ ра́ди богооте́ц проро́к
Дави́д:

Вход. Прокíмен дне. И чтéния три.

Проро́чества Иса́иина чтéние (глава́ 43):

Та́ко глаго́лет Госпо́дь:/ вси язы́цы собра́шася вкúпе и соберу́тся
кня́зи от них,/ кто возвестит сйя́ в них?/ Или́, я́же от нача́ла, кто слы́шана
сотвори́т вам?/ Да приве́дут свидéтели своя́ и оправда́тся,/ и да услы́шат,
и да реку́т и́стину./ Бúдите Ми свидéтели, и Аз Свидéтель, глаго́лет
Госпо́дь Бог,/ и О́трок, Егóже избра́х,/ да позна́ете и ве́руете Ми,/ и
разуме́ете, я́ко Аз есмь;/ прёжде Мене́ не бысть ин бог и по Мне не бúдет./
Аз есмь Бог, и несть, ра́зве Мене́, спаса́яй./ Аз возвестих и спаса́х,/
уничи́жих, и не бе в вас чу́ждий./ Вы Мне свидéтели, и Аз Госпо́дь Бог./
И ещё́ от нача́ла Аз есмь,/ и несть от рук Мо́их избавля́яй;/ сотворю́, и кто
отврати́т то?/ Сй́це глаго́лет Госпо́дь Бог,/ избавля́яй вас Святы́й
Изра́илев.

Премудрости Соломоновы чтение (глава 3):

Праведных души в руке Божией,/ и не прикоснется их мука./ Непщевани быша во очесех безумных умерети,/ и вменися озлобление исход их,/ и еже от нас шествие – сокрушение,/ они же суть в мире./ Ибо пред лицом человеческим аще и муку примут,/ упование их безсмертия исполнено./ И, в мале наказани бывше, великими благодетельствовани будут,/ яко Бог искуси я и обрете их достойны Себе./ Яко злато в горниле, искуси их/ и, яко всеплодие жертвенное, прият я./ И во время посещения их возсияют/ и, яко искры по стоблию, потекут./ Судят языком и обладают людми,/ и воцарится Господь в них во веки./ Надеющиеся Нань разумеют истину/ и вернии в любви пребудут Ему,/ яко благодать и милость в преподобных Его/ и посещение во избранных Его.

Премудрости Соломоновы чтение (главы 5 и 6):

Праведницы во веки живут, и в Господе мзда их,/ и попечение их у Вышняго./ Сего ради примут Царствие благолепия/ и венец доброты от руки Господни,/ зане десницею покрывает я и мышцею защитит их./ Примет всеоружие рвение свое/ и вооружит тварь в месть врагом./ Облечется в броня правды/ и возложит шлем – суд нелицемерен./ Примет щит непобедимый – преподобие,/ поострит же напрасный гнев во оружие,/ споборет же с ним мир на безумных./ Пойдут праволучныя стрелы молниины/ и, яко от благокругла лука облаков, на намерение полетят,/ и от каменометных ярости исполнь падут грады./ Вознегодует на них вода морская,/ реки же потопят я нагло./ Сопротив станет им дух силы/ и, яко вихор, развеет их,/ и опустошит всю землю беззаконие,/ и злодейство превратит престолы сильных./ Слышите убо, царие, и разумейте,/ навикните, судий концев земли./ Внушите, держащие множества/ и гордящиеся о народах языков,/ яко дана есть от Господа держава вам/ и сила от Вышняго.

На литии стихира храма, таже святых, глас 1:

Блаженна еси, чудная обители Дивеевская,/ слави вси предели твой,/ стопами Пресвятыя Богородицы освященнии/ и подвиги святых прославлении,/ ихже всехвальную память совершающе,/ славословим Христа Бога, дивнаго во святых Своих,// Ему же молимся спастися душам нашим.

На стиховне стихиры, глас 2.

Егда́, яко́ звѣзды, свѣтомъ добродѣтелей сия́ющія,/ озари́ли естѣ́ блиста́ниемъ чудесъ вся концы́ Ру́сскаго земли́,/ преподо́бныя ма́тери на́ша Алекса́ндро, Ма́рфо и Еле́но,/ Цари́це Небе́сней ве́рно послужи́вшія,/ тогда́ ме́сто по́двиговъ ва́шихъ показа́ли естѣ́ небо́ друго́е./ Ны́не же па́мьять ва́ша согрева́етъ ве́рныхъ серде́цъ,/ усер́дно моля́щихъ вас:/ помяну́те насъ, святы́я ма́тери на́ша, у Престо́ла Бо́жия во Ца́рствіи Небе́снемъ.

Стих: Дивен Бог во святых Своих, Бог Израилев.

Егда́, яко́ зла́то, въ пе́щи искуше́ний сия́ющія,/ святы́я блаже́нныя ма́тери на́ша Пелагіе, Параске́во и Мари́е,/ шество́вали естѣ́ те́снымъ путе́мъ,/ отве́ргшася себѣ́ и крестъ на́ ра́мо взѣмша,/ тогда́ свѣтомъ божѣ́ственныя му́дрости просвѣща́емыя,/ ве́лія по́двиги и по́стныя труды́ понесли́ естѣ́./ И кто испове́сть смире́ние, незло́бие, терпе́ние ва́ше?/ Помяну́те ча́дъ своихъ, зову́щихъ вамъ лю́бовію:// ра́дуйтеся, на́ша те́плая предста́тельницы и покрови́тельницы.

Стих: Святѣмъ, ѿже сущѣ на земли Егѣ, удиви Господь вся хотѣнія Своѣ въ нихъ.

Прииді́те, ве́рнии, согла́сно восхва́лимъ/ Це́ркве Христо́вы непоколебимо́е утвержде́ние,/ Цари́цы Небе́сныя сла́вное ополче́ние:/ му́ченика свяще́нна и святі́теля всече́стна Серафі́ма,/ дво́ицу иере́евъ Миха́ила и Іа́кова,/ свяще́нную похвалу́ па́стырей ѿсти́нных,/ же́ртвенникъ красенъ свое́мъ се́рдце сотвори́вшихъ/ и свяще́нную ризу́ крове́мъ обагри́вшихъ.// Ихже́ ра́ди страда́ний, Всеси́льне Спа́се, поми́луй насъ.

Сла́ва, гласъ 8:

О, пресла́внаго чудесе́!// Стопа́мъ послѣ́дующе дре́внихъ му́ченикъ/ тве́рдымъ ве́ры испове́даниемъ,/ гоне́ний и страда́ний крѣ́пкимъ терпе́ниемъ,/ преподо́бному́ченицы Пелагі́и, Ма́рфы/ и преподо́бноисповѣ́дницы Матро́ны,/ свѣтомъ крѣ́стныхъ луче́й осия́ваемыя,/ венце́мъ побѣ́ды благосла́вно увенча́шася.// Ихже́ ра́ди по́двиговъ, Всеси́льне Спа́се, поми́луй насъ.

И ны́не, Богоро́дичен, гласъ то́йже:

Влады́чице, приими́ моли́твы раба́ Твоѣ́хъ/ и изба́ви нас// отъ вся́кия нѹ́жды и печа́ли.

Тропа́рь, глас 5:

**Днесь церко́вная расширя́ются не́дра,/ прие́млюще бога́тство
Бо́жия благода́ти,/ и ра́дуется Пресвяты́я Богоро́дицы избра́нная
оби́тель,/ па́мьять соверша́ющи мно́гоименита́го ли́ка святы́х
Дивее́вских,/ в Небе́сном Ца́рствии торже́ствующи́х// и моля́щихся о
душа́х на́ших.**

НА УТРЕНИ

По стихослóвии седа́лен, глас 4:

**Днесь, я́ко со́лнце незаходи́мое,/ возсия́ всечестна́я па́мьять собо́ра
святы́х, в земли́ Дивее́вской просия́вших,/ равноа́нгельным жити́ем и
му́ченическою сме́ртию Бо́гу угоди́вших/ и дерзнове́ние ве́лие у Него́
стяжа́вших./ Ихже моли́твами, Бо́же, да́руй нам ве́лию ми́лость.**

Сла́ва, и ны́не, Богоро́дичен:

**В хра́ме Рожде́ства Твоего́, Пресвята́я Богоро́дице, иде́же мо́щи
святы́х почи́вают,/ немóлчное славослóвие Го́споду возно́сится/ и сим
непреста́нным псалмопе́нием оби́тель Дивее́вская укрепля́ется.**

Велича́ние:

**Велича́ем вас,/ вси святы́и земли́ Дивее́вския,/ и чтим святу́ю
па́мьять ва́шу,/ вы бо мо́лите о нас// Христа́ Бо́га на́шего.**

Псалом избра́нный:

Го́споди Го́сподь наш,/ я́ко чу́дно И́мя Твое́ по всей земли́.

Мне же зело́ че́стни бы́ша/ дру́зи Твой, Бо́же.

Изочту́ их,/ и па́че песка́ умно́жатся.

По полиеле́и седа́лен, глас 4:

**О сро́дницы на́ши и те́плии засту́пницы,/ иже в земли́ Дивее́вской
просла́вльшиися:/ священному́ченицы, преподо́бнии, му́ченицы,
испове́дницы и блаже́ннии,/ по́двиги свои́ми Бо́гу угоди́вшии/ и
нетле́нныя сла́вы венцы́ украси́вшиися,/ Христа́ Бо́га на́шего мо́лите/ мир
Це́ркви дарова́ти/ и душа́м на́шим спасти́ся.**

Сла́ва, и ны́не, Богоро́дичен:

**Мно́гими содержи́ми напа́стьми,/ во вся́цей ско́рби душе́вной и
обстоя́нии к Тебе́ прибега́ем, Пресвята́я Богоро́дице,/ моле́бное пе́ние по**

заповеди преподобнаго Серафима приносяще:/ о Мати Слова и Деве,/ от тяжких и лютых нас спаси!

Степенна, 1-й антифон 4-го гласа. **Прокимен, глас 4: Дивен Бог во святых Своих,/ Бог Израилев.** Стих: В церквах благословите Бога, Господа от источник Израилевых. Всякое дыхание: Евангелие от Матфея, зачало 11.

По 50-м псалме стихира, глас 6:

Церкве Христовы светильницы,/ всея Руси украшение,/ святии вси, в земли Дивеевской просиявшии,/ Владыку всех молите/ мир вселенней даровати/ и душам нашим велию милость.

Канон святых, глас 1.

Песнь 1

Ирмос: Твоя победительная десница,/ боголепно в крепости прославися:/ та бо, Безсмертне,/ яко всемогущая, противныя сотре,/ израильтяном путь глубины новосоделавшая.

Припев: Все святии Дивеевстии, молите Бога о нас.

Днесь ликует обитель Дивеевская,/ четвертый удел Царицы Небесныя во вселенней именуемая,/ прославляющи собор святых своих,/ яко звезды пресветлыя, небо церковное украсивших.

Преподобне отче Серафиме!/ Ты, попечение о обители Дивеевской/ из уст преподобныя Александры, яко завет духовный, восприем,/ во вся дни живота твоего сию окормлял еси./ И ныне, святыми мощами zde почивая,/ обета своего не нарушил еси.

Священномучениче святителю Серафиме!/ Ты, на место подвигов Саровскаго Чудотворца пришед,/ любовь к нему возгорелся еси,/ и благословение блаженных Параскевы улучив,/ многоценную летопись обители Дивеевския составил еси.

Чудотворцу Саровскому тезоимените, святителю Серафиме!/ Ты, мученическая кончины предречение от него прием,/ утешения в видении от того сподобился еси./ Ныне же во Царствии Небеснем вкупе с ним пребываеши/ и молишися о душах наших.

Богородичен: Радуйся, Пресвятая Госпоже, Твоим посещением Дивеево освятившая,/ радуйся, благочестие тамо насадившая,/ радуйся, монашествующих zde множество собравшая.

Песнь 3

Ирмós: Едіне вѣдый челоуѣческаго существа нѣмощь,/ и мѣлостивно в не воображся,/ препояши мя с высоты сілою,/ еже вопіти Тебѣ, Святѣй,// одушевлѣнный храмѣ неизречѣнныя славы Твоея, Челоуеколѣбче.

Повелѣния Царѣцы Небѣсныя о жрѣбии Ея сподобльшися,/ на подвиг послушанія рѣвностне устремѣлася еси,/ преподобная мати Александро,/ и начало обители Дивѣевскія положила еси.

Многотрудныя подвиги подъемши,/ добродѣтелями многими украсѣлася еси, преподобная мати Александро,/ и, храм Казанскія иконы Пресвятѣя Богородицы во обители устроивши,/ великая святая жена явилася еси.

О преподобная мати Марфо, великаго ангельскаго образа восприѣмнице!/ Ты во Царствіи Божіи со святѣми дѣвами предстоиши,/ помяни и нас у Престола Божія.

Свободну себѣ от обручника земнаго сотворивши,/ со свѣтлою свещѣю души твоея в срѣтение Небѣснаго Жениха устремѣлася еси, преподобная Елено,/ Емуже уневѣстившися,/ в чертог Небѣсный с мѣудрыми дѣвами возшла еси.

Богородичен: Радуйся, во удел Себѣ Дивѣево избравшая,/ радуйся, Застѣпницею мѣста сего быти изволившая,/ радуйся, вѣрным, пребывающим во обители, Споручнице вѣчнаго спасѣнія.

Седален, глас 1:

Яко звѣзды многосвѣтлыя,/ на нѣбе церковнем просиявши/ и подвигов добропобѣдных сиянием и чудес зарями/ всю зѣмлю Дивѣевскую просветивши,/ вы, святѣи, Божѣственныя свѣтлости явились есте причастницы/ и блаженныя жизни вѣчныя показались есте наслѣдницы./ Тѣмже, всерадостную пѣмать вашу совершающе, вѣрно вопіѣм:/ молите Христа Бога грехов оставлѣние даровати/ любѣвию вас почитающим.

Слава, и ныне, Богородичен:

Благословѣние на четвѣртый Твой удел,/ яко Иверіи, Афону и граду Кіеву, излияла еси, Царѣце Небѣсная,/ и до днесь благодать Всесвятаго

Ду́ха Бо́жия/ и оби́лие благ Небе́сных и земны́х/ от ме́ста Твоего́
возлю́бленнаго/ по сло́ву Твоему́ не оскудева́ют.

Песнь 4

Ирмо́с: Го́ру Тя, благода́тию Бо́жиею приосене́нную,/ прозорли́выма
Авваку́м усмотрі́в очі́ма,/ из Тебе́ изы́ти Изра́илеву провозглаша́ше
Свято́му,// во спасе́ние на́ше и обновле́ние.

И́же лю́бит отца́ или́ ма́терь, сы́на или́ дще́рь па́че Мене́,/ несть Мене́
досто́ин, рече́ Господь,/ и и́же не при́имет креста́ своего́, несть Мене́
досто́ин./ Ты же, блаже́нная ма́ти Пелагіе,/ вся дома́шняя своя́ оста́вляши,
Го́споду твоemú послédовала еси́/ и ду́шу свою́ в живо́т вéчный соблюла́
еси́.

И́хже о́ко не ви́де, и у́хо не слы́ша, и на се́рдце челове́ку не въздо́ша,
угото́ва Бог лю́бящим Его́./ Ты же, блаже́нная ма́ти Параске́во,/ вся сия́
сокро́вища вы́шшия му́дрости духо́вныя/ безу́мием Христа́ ра́ди позна́ла
еси́.

Се есть живо́т вéчный, да позна́ем Го́спода,/ не разумéти бо Того́
смерть есть./ Ты же, блаже́нная ма́ти Мари́е,/ Бо́га я́ко Исто́чника жи́зни
позна́вши и возлю́бивши,/ ещé в жи́зни сей в се́рдце твоeм Ца́рствие
Небе́сное обрела́ еси́.

Ди́вен Бог во святы́х Свои́х,/ И́же тле́нная в нетле́ние прелага́яй/ и
ме́ртвенная в безсме́ртие облека́яй./ Той и ва́ша святы́я мо́щи, блаже́нныя
ма́тери на́ша Пелагіе, Параске́во и Мари́е,/ я́ко многоце́нное сокро́вище,
в земли́ сокро́венное, яви́ нам,/ во о́браз гряду́щаго всео́бщаго
воскресе́ния.

Богоро́дичен: Ра́дуйся, те́плая Хода́таице о живу́щих в четве́ртом
жре́бии Твоeм;/ ра́дуйся, ми́лость Сы́на Твоего́ до сконча́ния ве́ка ме́сту
се́му обеща́вшая;/ ра́дуйся, Ра́досте и Спасе́ние душ на́ших.

Песнь 5

Ирмо́с: Просвети́вый сия́нием/ прише́ствия Твоего́, Христé,/ и
освети́вый Кресто́м Твои́м ми́ра концы́,/ се́рдца просвети́ све́том Твоего́
богоразу́мия,// правосла́вно пою́щих Тя.

Я́ко зла́то в горни́ле, Бог искуси́ тя/ и обре́те досто́йну Себе́,
преподобномучени́це Ма́рфо честна́я,/ и, я́ко всепло́дие же́ртвенное,
прият тя./ И́бо пред лицéм челове́ческим, аще и му́ку прия́ла еси́,/

упова́ние твоё безсмер́тия испо́лнено,/ и вма́ле нака́зана б́ывши,/ вели́кими да́ры облагодéтельствована еси́ на Небесéх.

Тéлом умерщвлéна была́ еси́, преподобномученице Пелагíе,/ мучéние смёртное от рук богобóрцев приéмши,/ обáче дýхом низложíла еси́ дéмонов немощнýя дёрзости/ и во страдáнии своём венéц нетлénный прия́ла еси́/ от Христа́ Бо́га нáшего.

Иже áще испове́сть Сы́на Бо́жия пред челове́ки на земл́и,/ тогó и Господь на Небесí испове́сть пред А́нгелы Сво́ими./ Ты же, преподóбная Матро́но исповéднице,/ до́брым по́двигом ве́ры подвижа́вшись,/ исповéдание твёрдое пред мучи́тели яви́ла еси́.

Преподобномученицы Ма́рфо, Пелагíе/ и исповéднице сла́вная Матро́но,/ по́двиги ва́шими Цéрковь укрáсися,/ несть бо мýжеский пол, ни же́нский,/ но вся́ческая и во всех Христóс Бог,/ богáт Сый во всех призывáющих Его́.

Богорóдичен: Ра́дуйся, Храни́тельнице нáша в настоящем ве́це;/ ра́дуйся, Предста́тельнице и непосты́дное упова́ние в б́удущем;/ ра́дуйся, вся́кое зло от жрё́бия Своего́ отража́ющая.

Песнь 6

Ирмо́с: Обы́де нас послéдняя бéздна,/ несть избавля́й,/ вмени́хомся я́ко о́вцы заколéния./ Спаси́ лю́ди Твоя́, Бо́же наш:// Ты бо крéпость немощствýющих и исправлéние.

Оби́тели Сýжда́льския настоя́тельство при́йм,/ житиé преподóбнаго Евфíмия соста́вил еси́, священномучениче Серафíме./ Егда́ же Господь к святи́тельству тя призва́,/ Цéркве Рýсской послужи́л еси́/ и архипáстырь добр яви́лся еси́.

Прехва́льне священномучениче Миха́иле,/ Архистрати́гу Небéсных Сил тезоимени́те!/ Кто я́ко Бог – взыва́л еси́ пред богобóрцы,/ Арха́нгела подража́в дерзнове́нию.

О́трасле пречестна́я ко́рене благочестíваго, священномучениче Миха́иле,/ священным стопа́м отца́ твоего́ послéдовав,/ ве́рности Бо́гу и благоче́стию тогó поревновáл еси́/ и тождестрада́льник единокрóвнаго бра́та твоего́ яви́лся еси́,/ с нímже моли́ся о спасéнии душ нáших.

Любо́вию к чину мона́шескому преиспо́лненный,/ дом свой оби́тель для сестр, в изгна́нии сýщих, сотвори́л еси́, священномучениче Иа́кове,/

Авраамле страннолюбіе показуя/ и Иаковле многочадіе духовне приѣмля,/ сего ради мзда сих прѣотец на Небесѣх тебѣ даровася.

Богородичен: Радуйся, Благодѣтельная, яко наслѣдіе Твое прѣсно назирѣши;/ радуйся, яко благодѣти и мѣлости Своея нас сподобляеши;/ радуйся, благословѣніе Сына Твоего на нас низводящая.

Кондакъ, глас 8:

Сосуди Духа Святаго явѣстеся честнымъ вашимъ житіемъ,/ усерднии служителие Пресвятыя Богородицы,/ в землѣ Дивѣевской просіявшии,/ помяните нас у Престола Божия во Царствіи Небеснемъ.

Ўкос:

Аз есмь Лоза, вы же рождіе,/ рече Христос Бог Своимъ ученикомъ./ Такожде и вы, святѣи землѣ Дивѣевския,/ явѣстеся в вертоградѣ Небеснемъ рождіе лозы Христовы,/ благоукрашивше Святую Церковь Русскую плоды вѣры и благочестія,/ помяните нас у Престола Божия во Царствіи Небеснемъ.

Песнь 7

Ирмос: Авраамстии отроцы в пещѣ Троицу прообразивше,/ огненный пламень на росу преложѣша/ и, поюще, вопіяху:// благословен еси, Боже отецъ нашихъ.

Тезоименная благоволѣнію Божию сущи, мученице Евдокіе блаженная,/ николѣже попечѣнія по заповѣди Спасителя имѣла еси,/ что ясти, что пѣти или во что облещѣся,/ взыскала бо еси прѣжде Царствія Божия и правды его,/ и сего ради вся потребная пріяла еси от Господа Бога отецъ нашихъ.

Тезоименно нареченныя, страсотѣрпицы Даріе и ѣна Даріе Пузинскія,/ во единомъ вѣзрасте мученическую смерть пріяли есте,/ немощны бо сущія плотию,/ сильны духомъ Богу явѣстеся, воспевающія:/ благословен еси, Боже отецъ нашихъ.

Святителя Николая предстательствомъ исцелѣніе от недуга получивши, мученице Маріе,/ блаженней Евдокіи до конца жѣзни своей послужила еси, Господевѣ воспевающіи:/ благословен еси, Боже отецъ нашихъ.

Триднёвая избіяния и смерть лютую претерпѣвша,/ славыя мученицы Пузынския,/ стопамъ Христа последовали есте, взывающа:/ Тебѣ ради, Женише наш, ищуща страдальчествуем,/ страждем и умираем за Тя,/ да и живѣм с Тобою, Божѣ отецъ нашихъ.

Богородичен: Радуйся, всякихъ даровъ рабомъ Твоимъ Всещедрая Подательнице;/ радуйся, во бранехъ, болѣзняхъ и трудѣхъ милосердая Утѣшительнице;/ радуйся, Надеждо и Спасѣние душъ нашихъ.

Песнь 8

Ирмосъ: В пещи отроцы Израилевы,/ якоже в горниле,/ добротой благочестия чистѣе злата блещахуся, глаголюще:/ благословите, вся дела Господня, Господа,// пойте и превозносите во вся вѣки.

Нищелюбива, сиротъ и вдовицъ питательница была еси, мати наша Александро,/ милостыню же ти тайно творящей,/ воздалъ есть тебѣ яже Отецъ нашъ Небесный,/ Сущий надъ всеми Царь во вся вѣки.

О великаго послушания твоего, мати наша Марфо!/ Ты и по смерти, яко и жива сущи,/ молѣния наша слышиши./ Тѣмже истину, отцы реченную, яко сия добродѣтель не умираетъ,/ утверждаеши во вся вѣки.

О мати наша Елено!/ Терпѣнию, смирѣнию, кротости, чистотѣ и простотѣ голубиней/ преподобный Серафимъ тя научи,/ сими же добродѣтелями к Вѣчной Жизни себѣ приуготовивши,/ ныне Бога воспеваеши во вся вѣки.

Троицен: Знаменася благоволеніе Святыя Троицы/ явленіемъ тріехъ голубѣй, надъ крестомъ храма парящихъ в часъ освященія его./ Мы же, чудо сіе поминающе, воспеваемъ:/ Троице Святаѣ, слава Тебѣ.

Богородичен: Пѣсни благодарственныя приносимъ Ти, Мати Божія:/ радуйся, яко спасаеши насъ присно отъ всякаго обстоянія;/ радуйся, яко питаеши, устрояеши и о насъ промышляеши;/ радуйся, яко и по кончинѣ нашей Небеснаго Царствія сподобляеши.

Песнь 9

Ирмосъ: Образъ чистаго Рождества Твоего,/ огнепалімая купина показана неопальная,/ и ныне на насъ напастей свирѣпеющую угасити молимся пещь,/ да Тя, Богородице,// непрестанно величаемъ.

Преслávнии священномученицы Серафíме, Михай́ле и Иа́кове!// Вы честнóю крóвию своéю/ рíзы священныя обагрíли естé/ и дрéвняго запинáтеля мýжественне низложíли естé.

Преподобномученицы Пелагíе и Мáрфо слáвныя!// Вы, на неvíдимая воздая́ния взира́ющая,/ смéрти Христá рáди безбóязненно себé преда́ли естé,/ рéкша в сéрдце своéм:/ víдимая врéменная суть,/ неvíдимая же вéчна.

Преподо́бная ма́ти на́ша Матро́но!// Ты, по́стническим жити́ем подвижа́вшись,/ испове́данием твёрдым украсíлася есí,/ и заточе́ния и го́рькия рабóты подьёмши,/ мно́гия ско́рби и бе́ды Христá рáди претерпéла есí,/ сего́ рáди на Небесéх мзду трудо́в твои́х обрела́ есí.

Блаже́нныя ма́тери Пелагíе, Параске́во и Мари́е!// Вы, ко Го́споду ду́хом горя́ща,/ стра́нницы земны́я, Оте́чества Го́рняго взыска́ющия,/ во обíтели Дивеевской яви́лися естé/ преподо́бнаго Серафíма досто́йныя учени́цы бы́вша.

Богоро́дичен: О Де́во Пречи́стая,/ по глаго́лу Твоему́ обíтель Дивеевская утверди́ся и просла́вися,/ и мно́жеством спаса́ющихся напо́лнися./ В ней же и сонм святы́х просия́,/ иже мо́лятся о спасéнии душ на́ших.

Свети́лен, глас 5:

Ра́дуйся, землé Дивеевская слáвная,/ Небе́сныя заступни́ки иму́щи вся святы́я, в тебé просия́вшия./ Днесь свéтло пра́здник тех соверша́юще,/ собо́р их досто́йно в пёснях почита́ем.

Сла́ва, и ны́не, Богоро́дичен:

О Пречи́стая Де́во! Игу́мения обíтели Дивеевския обеща́лася есí при́сно бы́ти/ и Го́споду zde служа́щих, я́ко звёзды небе́сныя и песо́к морский, умно́жити./ Сего́ рáди Тя, Присноде́во, я́ко Ма́терь Свёта, и Сы́на Твоего́/ пёсньми велича́ем.

На хвали́тех стихи́ры, глас 5.

Ра́дуйся, обíтеле Дивеевская,/ из тебé бо произы́де дивный лик святы́х,/ в различная лéта мно́гия по́двиги понёсших/ и собла́зны ми́ра невозвратно отвёргших,/ Еди́ному же Го́споду послуживших/ и за́поведи Его́ свято соблю́дших./ К ни́мже с ве́рою и любóвию возопи́им:/

ра́дуйтеся, оби́тели на́шея честный покрóве и заступлѣние,// прѣснии моли́твенницы о спасѣнии душ на́ших.

Ра́дуйся, оби́теле Дивѣевская,/ собо́р святѣх в себѣ воспитавшая,/ тѣи бо, нищетóю духо́вною обогатѣвшеся,/ пла́чуще, благода́ти Уте́шителя испо́лнишася,/ крóтцыи же сýще, Ца́рствие Небѣсное насле́доваша,/ и а́лчуще и жа́ждуще пра́вды Бóжия, насѣтишася,/ мѣлостію же укра́шенни, помѣловани бы́ша/ и, я́ко чѣстии се́рдцем, Святúю Тро́ицу узрѣша./ К нѣмже с вѣрою и любóвию возопѣим:/ ра́дуйтеся, оби́тели на́шея честный покрóве и заступлѣние,// прѣснии моли́твенницы о спасѣнии душ на́ших.

Ра́дуйся, оби́теле Дивѣевская,/ ча́да бо тво́я, Живоно́снаго Креста́ благода́тию укрепля́ема,/ вѣрность и любóвь ко Христу́ распя́тому сохрани́ша,/ страда́ния же многоразлѣчная до́блественне претерпѣвше,/ я́ко во́ини необори́мии, венцы́ нетлѣнные восприя́ша,/ и пра́вды ра́ди изгна́на и мýчима,/ вѣчную сла́ву уллучи́ша./ К нѣмже с вѣрою и любóвию возопѣим:/ ра́дуйтеся, оби́тели на́шея честный покрóве и заступлѣние,// прѣснии моли́твенницы о спасѣнии душ на́ших.

Ра́дуйтеся, святѣи собо́ра Дивѣевскаго,/ кра́сный плод по́двигов ва́ших Христу́ Бо́гу принѣсшии./ Ра́дуйтеся, я́ко, красотóю любве́ се́рдца ва́ша украсѣвше,/ долготерпѣнію и мýжеству вѣрных науча́ете./ Ра́дуйтеся, я́ко Престо́лу Вседержи́теля во сла́ве предстоя́ще,/ предста́тельством ва́шим прѣсно о нас ходата́йствуете./ Ра́дуйтеся, оби́тели на́шея честный покрóве и заступлѣние,// прѣснии моли́твенницы о спасѣнии душ на́ших.

Сла́ва, глас 2:

Красу́йся ны́не, Дивѣевская землѣ,/ принѣсшая Бо́гу уго́дники святѣя:/ священномúченики сла́вныя,/ па́стырем украше́ние,/ преподо́бныя отцы́ и ма́тери,/ А́нгелом сожѣтели,/ новомúченицы и испове́дницы,/ мýчеников сла́ва и похвалá,/ блаже́нныя и юро́дивыя,/ цвет благоухáнный незло́бивым./ Ихже моли́твами,// Христѣ́ Бо́же, помѣлуй нас.

И ны́не, Богороди́чен, глас то́йже:

Все упова́ние моѣ на Тя возлага́ю,/ Ма́ти Бóжия,// сохрани́ мя под кро́вом Твоѣм.

НА ЛИТУРГІИ

Блаженна от канона святых, песни 3-я и 6-я на 8. Прокимен, глас 4: Дивен Бог во святых Своих,/ Бог Израилев. Стих: В церквах благословите Бога, Господа от источник Израилевых. Апостол ко Евреям, зачало 330. Конец: Взирающе на Начальника веры, и Совершителя Иисуса. Аллилуйя, глас 4: Возваша праведнии, и Господь услыша их, и от всех скорбей их избави их. Стих: Многи скорби праведным, и от всех их избавит я Господь. Евангелие от Матфея, зачало 11. Причастен: Радуйтесь, праведнии, о Господе, правым подобает похвала.

Моли́тва

О всечестнии святїи Дивеевстїи, избранницы Царицы Небесныя, приснии Ея послушницы, подвиги своими в Царствие Небесное возшедшии! Се ныне в день общаго вашего торжества приносим вам сие хвалебное пение, ублажаем святое житие, прославляем великая чудеса, восхваляем любовь и величаем подвиги ваша. Вы бо, прелести мира сего отвергшися и взявше крест свой, усердно последовали есте Христу, таже и, плоть свою распинающе со страстьми и похотьми, терпением и мужеством до конца врага низложили есте и, премудрость века сего посрамивше, разум Христов стяжали есте. Сего ради молим вас: о святїи сродницы наши! Не оставите нас, чад ваших духовных, споспешествуйте нам веру Православную твердо содержати, да спасительное семя не иссушено будет зноем неверия, но плод обильный принесет, яко да и мы в будущем веке вкупе с вами услышим блаженный глас Господа и Бога нашего: приидите, благословеннии Отца Моего, наследуйте уготованное вам Царствие от сложения мира. Аминь.